

雨血于廣州六月青楓縣大池水化爲血流  
至漢江十五年正月戊子赤氣發西方十  
六年七月乙巳夜乾方有赤氣如火辛亥夜  
亦如之九月甲申夜赤氣發艮方十月辛巳  
赤氣發于艮方十九年七月丙辰夜赤氣發  
北斗十月丁亥夜有赤氣衝天至勾陳紫微  
又素氣十餘條交錯起息又黑氣長四丈許  
東西衝貫于北斗又電光發于天末十一月  
戊午夜赤氣發於坎又有素氣二條交發貫